



Universitätsbibliothek Paderborn

**Martini Bonacinae, Sacr. Theologiae, Ac I. V. D. Vticensis
Episcopi, Tractatus De Legitima Svmmi Pontificis
electione, iuxta Summorum Pontificum, praesertim
Gregorij XV. & Sanctiss. D. N. Vrbani ...**

Bonacina, Martino

Lvgdvni, 1637

§. 1. Quinam Cardinalium nomine veniant, & cur Cardinales hoc nomine
vocentur.

urn:nbn:de:hbz:466:1-10669

His præmissis nonnullæ adhuc difficultates emergunt, quarum solutio non leuiter conduit ad cognoscendam Cardinalium facultatem circa Romani Pontificis electionem, eas autem in quæfisis proximè sequentibus proponam, diluam, & dissoluam.

§. I.

Quinam Cardinalium nomine veniant,
& cur Cardinales hoc nomine
vocentur.

S V M M A R I V M.

- 1 Cardinalium nomine quinam veniant.
- 2 Cardinales cur hoc nomine vocentur.
- 3 Cardinalatus non solum est nomen dignitatis verum etiam officij.

PRIMA PROPOSITIO.

1 **N**omine Cardinalium, si loquamur iuxta communem loquendi formam hoc tempore usu receptam, intelligo solum Præfules R. E. purpuratos, consiliis Summi Pontificis assistentes, & ad Papæ ele-

C 4 ctionem

40 *De Electione legitima*

tionem deputatos , vt omnes norunt , isti enim hoc tempore per antonomasiam Cardinales vocantur ; aliàs verò etiam in iure Canonico Cardinales vocabantur , alij Clerici , qui suo Præfuli aderant , illùmque suo consilio iuuabant in administratione diœcesis , vel prouinciæ ; ob id Canonici Ecclesiarum Cathedralium Mediolanen. Rauennaten. & non nullarum aliarum , Cardinales vocabantur ; & dum Iura Cardinalem Romanum singulariter nominant , semper addunt Sanctæ Romanæ Ecclesiæ ad distinctionem eorum , qui Cardinales aliàs nuncupabantur.

SECUNDA PROPOSITIO.

2 **C**Vr hoc nomine Cardinales vocentur à Doctoribus , rationes assignantur ; aliqui enim putant , Cardinales hoc nomine vocari , eo quòd Apostolicæ Sedi inseruant , quæ est veluti cardo , & axis aliarum Ecclesiarum . Alij etymologiam sumunt à cardine , eo quòd super ipsos nitatur , & vertatur ostium , id est Papa : vel , vt alijs volunt , à cardine , eo quòd ipsis summa rerum omnium grauiorum totius prouinciæ , vel diœcesis incumbat ; ad hoc enim ab initio institutos fuisse putant Cardinales . Alij denique arbitrantur dici à cardine ,

ne, eo quod vtrumque cardinem, vitæ scilicet, & interitus custodirent, & quasi ad ostium adstantem, dum homines ad vitam ingredierentur, vel ex hac vita egrederentur: Cardinales enim ex prima sui origine instituti fuerunt ad baptizandos infantes, qui in hanc lucem educuntur, & ad sacramenta iis administranda, qui ex hac vita migrant, teste Archidiaco-no *in cap. ubi periculum, de elect. in 6.* & aliis apud Barbatiam *de præstant. Card. quest. 1.* Al- banum *de Card. quest. 3.* & apud Sopranum *de elect. lib. 1. cap. 10.* præcipuum enim in Eccle-sia munus fuit Baptismi Sacramentum con- ferre, quod est ostium Sacramentorum; Chri-stus enim Apostolis dixit, *Euntes docete omnes gentes baptizantes, &c.* & hoc munus tanti fiebat, quanti est vitam bene instituere, illam- que sancto fine claudere.

Hinc ortæ sunt dissensiones, & hereses in Ecclesia, dum unus potius ab uno quam ab alio sibi Baptismum conferri curaret, ac si non idem effectus ab omnibus conferretur. Hinc etiam censeo varios Cardinalium titu- los institutos, ut unus Cardinalis in una urbis regione, aliis in alia adesset, ad sacra mini-stranda, & ad pandendum ostium, qui Chri-stus est, in Ecclesiam militantem, & trium-phantem; quamuis postea Cardinalium onera,

C 5 &